


指迷寶錄
 邵瑞澄敬題
 利

風陵文庫
 文庫19
 F292
 4



指迷寶錄三集目錄

北斗大帝

諭

玉皇大天尊

詔

中皇佛傳

旨

周將軍傳

旨

土神

報

關聖帝君

諭

李太白仙

示

F0292-(#)

關聖帝君

論并二銘

宏教真君

詩論

孚佑帝君

訓話并詩

正陽帝君

詩

金龍四大王

示詩并論

大賢仲子

論

正陽帝君

話戒財文二則并論

風月散人

詩示并守心訣論

三丰祖師

詩論

關聖帝君

論

文昌帝君

論

葛真人

詩話并逍遙曲

周將軍傳

旨

孚佑帝君

詩話歌并求福說

碧霞真君

詩論

宏教真君

詩論

邱祖師

詩示

虎卧老人

示

米仙

詩

周將軍

論

關聖帝君

訓

文昌帝君

訓

孚佑帝君

訓

宏教真君

訓

風伯

詩

關聖帝君

詩

文昌帝君

詩

孚佑帝君

詩

關聖帝君

旨

善教真人

詞話

關聖帝君

論訓

大賢仲子

論

風月散人
了凡真人

聯句

了凡真人

論并金箴讚列首卷

桓侯大帝

詩話

華祖師

詩話

米仙

詩歌話

宏教真君

話

米仙

歌

謝忠愍公

詩論

宏教真君

論

慈佑帝君御祿佛話

孚佑帝君

話

慈佑帝君

論

孚佑帝君

話

大賢仲子

歌論箴目列首卷

孚佑帝君

話金箴讚列首卷

正陽帝君

曲論金箴讚列首卷話

關聖帝君

諭金箴讚列首卷又諭

正陽帝君

話戒氣文

瑞霞童子

話

靈顯真君

話

李太白仙

話

善誨真人

詩話

善教真人

詩

靈顯真君

話論并詩

宏教真君

詩

米仙

歌

劉海蟾仙

詩

土神

報

南海大士

話

關聖帝君

話

南海大士

正坤儀文

禁打溺妾胎文

禁咒天地罵公姑文

慈佑帝君

詩話并訓

普濟真君

詩戒矜誇文

宏教真君

歌話

關聖帝君

話

達摩祖師

偈并論

土神

報

靈佑帝君

歌

慈佑帝君

歌

孚佑帝君

論

米仙

話

孚佑帝君

論

米仙

話源文

孚佑帝君

論

飛天魔王

詩避瘟寶訓避瘟咒

孚佑帝君

詩貧富皆宜修省文

米仙

歌訓

土神

報

大賢仲子

論

大賢冉子

勸恥文

孚佑帝君

論

米仙

話

米南宮仙
李太白仙

聯句

米仙

詩

坡仙

詩

米仙

詩

米仙

歌話

米仙

論

孚佑帝君

詩

關聖帝君

論訓

元妙帝君

訓話

正陽帝君

詩

李佑帝君

詩

元妙帝君

詩

正陽帝君

話

元妙帝君

話訓

大賢仲子

訓并性理寶箴諭

正陽帝君

諭

周將軍傳

旨

元妙帝君

諭

慈佑帝君

諭

中皇佛

諭

玉皇大天尊

詔并禁風俗書華文

關聖帝君

諭二則答首

玉皇大天尊

詔文四卷首

關聖帝君

訓諭詩又諭訓員儀

華祖師

詩諭

元妙帝君

詞話二則

關聖帝君

諭訓又諭

李太白仙

詩示

正陽帝君

詞話詩并報應真說

關聖帝君

序文列卷首

正陽帝君

序文列卷首

慈佑帝君

詩并禁風俗奢華文

元妙帝君

詩貧富皆宜教子弟文

孚佑帝君

詩禁聽婦言薄父母文

李太白仙

詩戒聰明貽悞文

杜工部仙

詩少壯不可恃文

袁了凡真人

詩宜早了世事文

指迷寶錄三集

閏七月初一日

馬天君到

斗口王天君到

桓侯大帝降

宏教真君到

孚佑帝君降

桂宮諸仙到

文昌帝君降

李白大仙到

崇霄四將軍到

關聖帝君降

黨將軍到

金龍四大王降

靈佑大帝降

北斗大帝降

諭我奉旨點名。點名畢

南極大帝降

東嶽大帝降

御祿聖佛降

中皇聖佛降

護駕諸金神到

玄穹高上帝玉皇大天尊駕幸

詔曰。天地無情慘淡中。風沙四起血飛紅。諸生宜

化休中止。重整蒼生樂歲豐。御輦下降之時。但見一片風沙迭起。羣議紛紜。呼宣化爲隱僻無稽之說。直視爲邪教旁門。夫宣化二字。何等正大。何等光明。何世界蒼生。皆半疑半信。宣者大聲疾呼。化者移風易俗。所垂訓章。莫非忠孝廉節。不外日用倫常。何謂無稽之說也。世道不壞。神道不興。神道設教。皆由人心不古。世道日卑。故設立是壇。合三教而爲一。輪流垂訓。俾斯世蒼赤。迴本性。存天心。

不溺於聲色貨慾。常存夫忠孝貞廉。此壇通天徹地。一大干淨淨白潔潔之善緣也。爾諸生勿懈勿惰。朕將有厚望焉。特詔中皇佛傳旨。帝駕歸。叩送。

周將軍傳關帝旨。諸尊赴通明謝恩。少刻迎駕。向

東北三叩首。

土神報曰。三帝駕回。

關聖帝君降。

論諸尊數日內。皆有公務。無暇垂訓。暫收壇。至初十日迎駕。三帝歸。叩送。

初六日

左教真君到

李白大仙到

示數日諸尊不得臨壇。關帝有數語寄汝等。並有修性修身二銘。

關聖帝君

諭蓋聞孔子大道不行。歸而刪訂。予栖栖者不止二十餘年。此等世道。不可爲矣。爾等既知向善。宜遵我訓。日後可以行則行。可以止則止。垂訓一層。務在身體力行四字。不可只以爲善事。而不求其實。要緊。今我命李白到壇。代書座右銘二章。各宜遵懍。

修性銘

煌煌大道。仔細追尋。無多方寸。坦坦平平。鳶飛

信迷寶錄

卷三

四

魚躍水面天心活潑潑地。化育流行參透元妙。定步蓬瀛。

修身銘

起居日用莫味天良。仁義忠信禮智節廉各宜。體會永久莫忘。正心誠意舉止堂堂果能如是。定降吉祥。

初十日

桐花館設壇同人叩求諸尊降臨各家已蒙恩準自此各家輪流設壇

宏教真君到

詩

人家掩映夕陽中。海上殘霞幾片紅。飄蕩閒雲來此處。茅廬竹几著高風。

諭爾等小心候駕。我祖師至矣。

孚佑帝君降

訓

陳生

汝頗誠實可喜。諸尊所垂訓詞。汝知身體力行乎。稟日後必盡心體會。曰。汝須改過。方能有造。

話今日公忙。不克久坐。明晚有正陽帝君降垂訓。莫悞我歸。

回鸞詩

茫茫世界化灰塵。遠望遙瞻痛煞人。幾日拋開凡世事。風晨月夕酒杯親。

十一日 桐花館設壇

土神李到

三十六部到

五雷使者到

宏教真君到

孚佑帝君降

正陽帝君降

詩

綿綿雨意又初秋。青草階前冷露浮。佛國蓮花齊褪粉。新涼一味使人愁。

黨將軍到

金龍四大王降

示予自鎮海門以來。見本邑人民。天心喪盡。浮華虛偽。詭詐欺貪。是以屢患水災。上帝震怒。敕我驅逐水卒。以溢津門。我因不忍坐視。蒼生陷溺。請集諸尊。跪乞通明。是以懇祈上帝恩準。以觀後效。儻人心改過遷善。水患可消。如仍蹈故轍。予亦不能為眾生請命矣。吁。悲哉。予再為小民切言之。

詩

茫茫大劫到津門。收盡奸邪諂佞人。那顧善男與信女。倏時玉石已俱焚。
仙佛諸天墮淚珠。可憐俗子與村夫。無端陷溺為魚矣。臨劫蒼天枉自呼。
不辭勞苦跪通明。欲乞皇恩救眾生。玉帝大開三面網。羣黎又得荷生成。

我心久欲眾神明。救世書文早早成。務要喚醒

沈睡客。干言萬語救蒼生。

論我歸叩送。

大賢仲子降。

論我夫子命。我察看世情。垂留金箴一卷。無非救劫之意。卽名救劫金箴。今日我夫子有金箴緣起。命我代宣。並居官金箴先賜下。餘再續。緣起箴目均列首卷。

正陽帝君

話我尚有財氣文二條。今宜補之。

財一條

淡淡清風我一遊。閒雲飄飄隨足走。蓬山閬苑。壺嶠瀛洲。飄揚直到岳陽樓。我欲嘗美酒。此時樂至極矣。忽童子問曰。我師如此瀟灑。洵可謂神仙矣。予從遊多年。願師携我塵世一觀可乎。予乘醉起仙雲。携童來至東海濱。但見得茫茫渺渺黑沈沈。萬人家在水西村。或荷樵薪。或乘

漁艇或日午汗流。想收田萬頃。或苦讀寒窗。欲想功名。亂紛紛。何時竟。聽我琴童喚一聲。童曰。我師看那人勞勞碌碌。却作甚麼事故。予聽此言笑哈哈。世人那比神仙樂。豈不憚碌碌忙忙。豈不欲灑灑落落。怎奈無錢不能活。因此上或漁樵。或讀耕。日日焦勞。皆爲錢數箇。童曰。我師此言。弟子深知其故。皆因父母妻子。而生獲利之路耳。請我師大開慈悲。將他等度化成仙。豈

不免受勞苦。予曰。小子莫多言。我合你一付心腸。亦欲將閻閻億兆。草野編氓。度化同登極樂天。怎奈世人不登船。童曰。所以不登船者。未明白錢之無用耳。我師何不細細剖晰。所以無用之故。予聽此言。摩童頂。扶童肩。叫徒兒。聽我講。錢是流水無定限。倏而來。倏而往。惹得迷人心茫茫。豈不知黃土隴中埋白骨。縱有家私却枉然。悠悠去到閻羅殿。囊中那有一文錢。囊中那

有一文錢。童曰：吁嗟乎！世人何癡迷若此哉！我師總宜將此言傳世爲妙。予曰：世人自作聰明，只說錢財攬用，千方百計苦追尋，那管循環報應。童又曰：雖如此，總宜盡我心爲是也。請之再四，予不獲已，遂同童子下重天，蕩蕩悠悠至此壇。細聽祖師勸善語，續完一則戒財篇。

戒財文

夫世人百樣不同，心術千般不一，欲究其所以然者，莫非爲錢而已。試思錢大非有用之物，清貧之子得數錢，尙無錯處；若縉紳之子有幾箇錢，你看他情亦傲，性亦驕，趾亦揚，氣亦高，或酒市遊遨，或花街醉倒，不消半載，錢財耗，惟有箇抱缶攜瓢，惟有箇抱缶攜瓢，此等之人要錢何用，少一錢，卽少一孽，錢何用，錢何用，無錢何能性狂縱，竟有那諂笑脅肩，逢迎趨奉，屈己又徇人費盡千般力，積得櫃筭盈，誰保準有好兒孫。

敗家蕩產。毀污門庭。一概全花盡。只剩得孤廟存身。破屋隱形。看到此錢何用。錢何用。世人若聽我言。及早把貪財意念拋却。與其留錢使子孫作不轉人之事。何若施財以救世上貧苦之人也。世人其自思之。

諭天色已晚。氣文再訓。我與呂帝歸。

十二日

桐花館設壇

風月散人到

詩

落落疏簾拂地垂。爐中香篆結成絲。人纔三五頗誠敬。恰是真人垂訓時。

示我乃呂帝門人。今日特來垂訓。吾自成仙而後。閒遊徧歷寰區。見風俗人情。大非昔日可比矣。其弊病非一言所能盡述。常見有名爲善士。而暗中却有殺人之刀。此等行善。又何益哉。若爾等聚三五知己。常請鸞垂訓。日

後勒成一書。傳流後世。千載不朽。萬劫常新。此功此德。較面行善而心不善者。不相懸殊哉。但爾等既勸人。先須勸己。凡一切非禮之事。切宜痛改。不然徒侍此壇。亦與面善者等。我來此處。初次垂訓。爾等務遵我之守心訣。守心訣。

世上人作善念。一心爲主。莫不是方寸中。作出事來。欲行善。要守心。不容放蕩。清夜裏。擁衾時。各問心懷。第一問。這一心。犯淫戒否。耳與目。意與舌。果是何如。若要是犯淫戒。立時痛改。一生來。不淫溺。纔是丈夫。第二問。這一心。犯盜戒否。取人草。捻人粒。卽有愧心。一舉步。務要他堂堂正正。一生來。不竊取。可謂高。清。第三問。這一心。犯殺戒否。有羽毛。有魚蟹。不可輕烹。爲口用。害生靈。作孽不小。一生來。不妄殺。纔是善人。第四問。這一心。犯酒戒否。明明心。莫使那濁酒迷蒙。

沈醉後作出了無心之事。待醒後果何以再見。賓朋第五問這一心犯舌戒否。或一言或一語。各宜忖量。一言出。即駟馬已難追矣。務必要守舌戒。不可妄談。這一篇名曰那行善五戒。全不外守一心。不使放鬆。言雖粗。意雖淺。却是正理。勸在壇眾善士各要守心。

諭我歸。諸生三揖送。

戊刻

土神報曰。今有上仙至此。

三丰祖師降

詩

海上逍遙起白雲。新月初升落日曛。萬竈炊烟飄蕩蕩。微茫宿靄抱榆枌。

諭我來此稍坐。關大帝少刻即降。小心候駕。

鎮壇馬天君到

崇寧四將軍到

周將軍到

關聖帝君降

諭連朝天宮有事未得訓誨爾等日後不可
 懈惰適風月散人訓讀與我聽讀畢曰佳極
 妙極汝等須細心領略不可滑口讀過此入
 道之門也切記

文昌帝君降

諭自大祭後帝未得訓誨爾等今朝特來一
 會不克久留

葛真人到

詩

白雲飄飄無定時定時常在古山陂陂前月色
 清如水水到渠成悟妙機

話老仙經此路過特來稍坐

逍遙曲

自隱深山脫却塵緣元元妙法無定限八卦爐

九轉丹。朝朝暮暮勤修煉。吸水餐霞。自養心田。但見得紅塵上。東海邊。紛紛亂亂人喧嚷。甚麼事。日纏綿。只顧當下。不想收緣。但待他一息斷時。魂飛散。難脫森羅寶殿前。作善者降百祥。作惡者降百殃。循環真不爽。世人誰獲百餘年。知識者且學咱。飄揚仙袂無拘管。遊得是闌苑蓬山。唱得是月曲霓裳。天酒留香遠。一心淨淨。萬法皆空相。同上重天多樂趣。回頭世上枉奔忙。

話老仙無事。唱一枝曲爾逍遣。

周將軍傳關帝旨。今日有公。不得多訓。送駕。

十三日

古草山莊設壇

宏教眞君到

孚佑帝君降

詩

短燭新茶夜漏長。蒼蒼宿靄月華涼。宵深遠籟無邊寂。花影扶疏蔭草堂。

掛金錄卷三
話今宵佳會也。慧空來。汝素能琴。未操否。這
數日正明月圓時。於花前月下。一撫大爲樂
趣。慧靈來。汝若無事。或返性圖。救生船。可讀
數篇。切不可滑口讀過。務要切實體會。慧真
慧芳等來。爾數人有本業者。各務本業。若無
事。擇有用之書看幾篇。不可各處游蕩。致放
肆心源。若同人共會時。所談及者。非關身心
則不必。疑可共析。事可共酌。方妙。

歌

人寂寂。夜沈沈。一陣清風入我襟。早秋月色多
佳趣。揮塵窗前論古今。

求福說

我纔臨壇之際。跨鶴飄飄。行走時。忽聞一派喧
譁。不知何事。命童一看。原有一羣無知之輩。在
我祠中燒香焚帛。口念阿彌。連將我號呼數聲。
禱曰。純陽呂祖慈悲。保佑我得財獲利。噫。嘻。財

利豈易獲哉。必得前身累功。今世修福。方可天賜之財。前身作孽。今世胡爲。猶欲禱天賜福。豈不謬哉。財利皆由命造。不安命而妄求。雖念千聲佛號。亦徒勞矣。故人不可不安命。而命亦非定不可移。果能修福累功。命亦可造。或命貧苦。而造榮華。或命寒微。而造顯達。富貴功名。亦未爲不可求也。然須求之己。而不須求之天。所作爲皆不堪對天。而有求於天。亦枉費精神而已。願世之求福者。且求己之心可也。

示我坐已半晌歸。

碧霞真君降

詩

我身似葉任飄然。不論山邊與水邊。灑落襟懷殊自得。一聲長嘯海中天。

諭我乃奉玉帝旨。理瀛洲三島事務。今宵無事閒遊。到此稍坐。諸生立壇請訓。大善事也。

諸生皆知大劫否，我留詩一章。

詩

大劫臨頭世不知，堪嗤俗子尚迷痴。若非上帝
多慈惠，早入蒼波流遠陂。

諭天色已晚，收壇三揖送我。

十五日 桐花館設壇

宏教真君到

詩

絕塵無事最清閒，卧看天邊海外山。一紙符燒
驚午夢，仙雲縹緲落人寰。

諭汝等勤修，不可稍懈。我有詩二章，以寄金
生。

賜金生詩

許久光陰未見君，倏然一月離祥雲。柳仙寄語
君須記，常憶從前訓誨勤。

勉進前途休自阻，莫忘當日在皇古。三帝慈惠

濶無邊務要時時刻肺腑。

長春邱祖師降

詩

駕鶴逍遙徧九州。飛鸞已歷幾春秋。閒消棋局招仙侶。別有詩懷上酒樓。轉瞬年光流水急。關心苦海浪花浮。幾時重返敦龐面。不為天涯萬姓愁。

示吁嗟乎。世道不能救也。古來聖賢仙佛。留

下多少良言。而世人視為具文。全不加意。徒負古來聖賢仙佛一片苦心。而世道人心。萬中不能救一也。夫聖賢仙佛。用心亦良苦矣。恐世人不信仙佛之語。疑為人之假作。特以文藻佐之。益以道理敷之。是以有救生船行世也。而又恐世人祇以文詞之佳。滑口讀過。又以賞罰報應警之。故返性圖惡報數篇。指出陰司刑罰。以使世知畏懼。雖有如此苦志。

而仍不能教化世道。挽回人心。三帝君以爲未得耳。提面命也。故又於本邑設壇開化。豈知世人皆謂邪教惑人。而使教化不能興起。此等魔障。大勝於公善羣英二堂也。教化何以興哉。願爾等在壇數人。齊心成此善舉。使三教聖賢之書。行世爲要也。至於我輩。亦常常來垂教。留遺之語。可擇關於身心者刻之。無量功德。皆在汝輩自作也。前途自重。老仙去矣。

虎卧老人到

示我經此過。蒙柳真君留坐。諸生看世道人心。尙可問乎。我仙人在此地盤桓。每於採風問俗之下。未嘗不三歎也。然欲教而不能。欲置而不忍。三帝君開廣大慈悲。設立勸人之壇。留救劫之訓。爾等刻骨難報也。閒雲他往。不克久留。送。

米仙到

詩

會將筆墨作生涯。大草閒揮等畫沙。拋却硯田成正果。飄飄仙袂是吾家。

周將軍到

諭關帝駕出崇甯矣。小心候駕。

崇甯四將軍到

關聖帝君降

訓慧空汝之情性尚屬清潔。但凡事多有畏縮。日後宜振作精神為要。

訓慧明汝性尚直較慧空似乎爽快。但汝急躁之病不免。日後務要以深沈處事。切要

訓慧緣汝自侍壇之後。尚知洗心淨慮。但躁氣未平。凡事皆要忍耐。

訓慧純汝之性矜躁不平。凡事務要和順。汝之過宜速改。孝弟二字。時刻莫忘。慎之。

持世寶金 卷三
訓 慧仙 汝識汝之本來面目否。白潔潔。干淨淨。不可污毀。汝須自思之。

訓 慧靈 汝乃誠實之人。日後不可爲財貨奪其志。蒼天不負苦心人也。

訓 慧卿 汝之思慮。已去其半。尙有未盡處。一念不起。方謂純儒。

訓 慧真 汝心尙誠。日後務要潛修淨養。誦書讀經。須求實理。不可枉費工夫。

訓 慧芳 汝性情一切。大同慧空。但其深沈未若耳。慧空惟求養身去病。汝須勵志功名。顯達父母。不可懈惰。

桂宮楊仙到

文昌帝君降

訓 慧琴 汝之氣色。稍異尋常。躁氣已消大半。

汝莫可趁此遊蕩。須留心學業要緊。

訓 慧淨 汝抱勇往之氣。惟少深遠之謀。日後

遇事不可直率切記。

劉海蟾大仙到

孚佑帝君降

訓 慧蓮慧芸 汝二人須洗心淨慮。去欲存仁。

八字切記。

訓 陳生 汝日後過宜改。身宜修。不可放肆其

心要緊。

訓 言生 汝乃讀書之子。切不可忘渾化真人

一段訓詞。

訓 陸生 汝要孝母。

宏教真君

諭三帝駕歸叩送。

十八日 養雲小室設壇

宏教真君到

訓 夫人生不過百年。或而生。倏而死。死死生。生何日是了。務要好好前修。得一不墮輪迴。

之樂無生無死。逍遙自在矣。

風伯到

詩

管領春風廿二箒。已經塵世數千秋。欲知仙子居何處。家在蓬山白玉樓。

十九日 春風室設壇

宏教真君到

劉海蟾大仙到

桂宮楊二仙到

斗口大魁到

李青蓮大仙到

周將軍到

關聖帝君降

詩

寶燭高燒透九重。飄然翠輦出瑤宮。炊烟處處隨蒼靄。笛韻家家弄晚風。隔岸垂楊千樹碧。前

溪秋蓼半林紅。鸞輿轉瞬臨塵界。瑞色祥雲入
太空。

文昌帝君降

詩

乾坤清寂正初秋。蓼岸沙灘冷露浮。野曠時聞
樵子唱。江深早泊釣人舟。風吹水面層波疊。月
到山邊萬壑幽。長嘯一聲天地小。大千世界水
東流。

孚佑帝君降

詩

閒雲幾片任翩翩。駕出重霄最灑然。萬里雲歸
林外岫。一輪月映水中天。蟲鳴古澗荒崖畔。雁
落沙汀蓼岸前。數縷祥光環小屋。清輝皎皎澗
無邊。

關帝旨。命周將軍赴無量洞天。請仲夫子降壇。續
完箴目。

善教真人到

詞

數載光陰忽忽。世間一幅畫圖。悠然一死見真。吾堪歎迷人不悟。

話關帝在壇。不得久留。我去。

關帝聖君

諭有朝壇者。慧空引入。

訓 李生 汝亦善士。果能問心無愧於己。即是

誠善之人。今日有心向善。來壇上拜謁。帝君必有重賞。本處人心日壞。大劫將臨。故三帝君飛鸞開化。拯救蒼生。因有此舉。本處士民。皆以為無稽之說。汝今一來。不慮人之譏謗乎。稟垂留善書有何慮處。曰。好心頗誠。起立一旁。

大賢仲子降

諭先師命我來續金箴。居官箴目。又續數條。

並賜武將金箴。箴目列首卷。

周將軍

諭仲子已歸。叩送。

移時

風月散人到

了凡真人到

詩聯句

我身輕似葉。了凡飄飄忽至此。風月此處隔洞

中。了凡遙遙凡幾里。風月瞥眼看塵寰。了凡酒

酒何時已。風月日墜酒色中。了凡日迷財氣裏。

風月一日到輪迴。了凡方知我自己。風月何不

早回頭。了凡脫却塵氛鄙。風月

了凡真人

諭我初次臨壇。諸生皆誠實之士。得會山人。

亦諸生之緣也。我師呂帝。一片救世苦心。切

不可負。二仙去矣。三揖送。金箴讚列首卷。

二十一日 桐花館設壇

土神李到

三十六部到

五雷使者到

馬天君到

殷辛 趙溫 四天君到

桓侯大帝降

詩

戰士威風逼九霄，乘驄擁甲下天曹。自從朔日相別後，忽忽光陰又此朝。

話我許久未訓爾等，今日特來稍坐。我尙公忙再訓歸。

華祖師降

詩

駕鶴乘雲仙袂飄，九州四海任逍遙。山中自有還陽草，何必人間採藥苗。

話老仙經此過。特來壇上瞻仰。

土神李公

諭祖師駕歸送。

戊刻

米仙到 初降時未書姓名

詩

紙上風雲瞥眼過。今朝白髮已婆娑。無端香靄留雲住。故降名齋發短歌。

歌

呵呵堂上賢才多。濟濟共聚小山阿。消受無邊快樂。光華彌耀。舍此無他。老仙沈醉笑哈哈。真快樂。真快樂。

話汝等知我何人。稟請名姓曰。欲問我姓名。

聽我說分明。家住虛無縹渺洞。姓吳名齒仁。一生喜作好事。一世不敢瞞心。涵養栽培真方寸。老仙今夜醉沈沈。為爾等留下真名姓。

呵呵我叫吳齒仁。我叫無此人是真是假細
追尋。老仙今夜沈醉了。飄飄蕩蕩起閒雲。

宏教真君到

話米仙何故在此說話。而隱姓名。

米仙

歌

米仙醉。米仙醉。津門萬民遭劫罪。神仙見了頻
落淚。頻落淚。手持美酒陶然醉。又誰知越醉越

落淚。呵呵我快走。來了真君他姓柳。亦是老仙
的酒友。今朝公事把身扭。我快走。我快走。

謝忠愍公到

詩

大地茫茫起眾魔。傷心慘目却如何。雲中空灑
關心淚。激烈難消祇詠歌。

諭我等歸送。

二十四日 春風室設壇

宏教眞君到

諭三帝君移時卽降。

勅封慈佑帝君御祿佛降

語我蒙上帝於本月二十二日。恩授善爵。今日閒暇。特來稍坐。

孚佑帝君降

語松如今朝大喜。壇下諸生各三叩慶賀。扶鸞者亦叩。

慈佑帝君

諭我本一書生耳。而竟得成正果。受職曰顯化眞人。後因辦理南方功過冊。記功。加封御祿諸尊。後又召在東嶽大帝處。掌理第二十冊惡籍。記功。上帝調赴通明理事。後蒙世尊調赴西天。繕寫經卷。世尊錫之以佛。故名御祿佛。當差畢。復蒙上帝調赴通明。爲內廷侍臣。我兢兢業業。三載後。帝又加封慈靈二字。

於今甫年餘。儼居帝位。實出我意外也。爾等
數人。從此果能洗心淨慮。去欲存仁。前途未
可量也。諸生自勉之。吾新受爵。公事尙未交
割清楚。日後再訓。我歸。

孚佑帝君

誥適慈佑帝君諭汝等各宜細心參會。心體
力行。爾等自勉。渾化真人新蒙陞賞。少刻許
來。

大賢仲子降

歌

秋蟲鳴兮。秋風起矣。我臨塵兮。風飄飄而吹衣。
箴言留兮。垂萬古。治化轉兮。民怡怡。

諭我奉先師命。賜武將金箴。鄉紳金箴。餘者
再賜。箴目列首卷。

孚佑帝君

誥金箴一書。洵可謂金箴也。觀夫子之箴目。

已發人深省。况又加諸大賢一解。尤為絕前
空後矣。世人得此書。可為大幸也。金箴讚列
首卷

正陽帝君降

曲

雲光流。烟光流。流到東海絕岸頭。寂寂笛倚樓。
朝亦遊。暮亦遊。遊徧名山與大邱。滿目雲烟留。
諭將至聖金箴讀一徧。讀畢金箴讚列首卷

誦孔子金箴。可謂盡善盡美矣。道盡人間弊
病。見得到。說得切。煌煌鉅典。真令我輩縮舌。
汝等務要早早刊刻。廣傳世上要緊。

關聖帝君降

諭孔子留箴誦我聽。誦畢金箴讚已列首卷
諭爾等待金箴告竣。早早設法。捐資刊刻。通
明有事。關呂二帝歸。

正陽帝君

信米寶錄

卷三

三三

話我尚有氣文一篇。今日天色尚早。我續完此文。以了我願。

氣一條

予自超塵以來。詩酒陶情。烟霞托足。灑灑落落。蕩蕩悠悠。脫輪迴之苦。歸極樂之鄉。一日攜衆徒。載斗酒。遊於蓬萊之頂。四顧蒼茫。一心寂靜。與衆徒歌聲互答。可謂樂之極矣。忽見有一縷黑烟。迴旋空際。耳畔聒聒然。一派喧嘩。不知爲

何故也。遂命童子視之。童子曰。皎皎乎明月。悠悠乎清風。聳聳乎翠島。寂寂乎高松。並無怪類。只有人聲。予曰。汝從我觀之。遂攜童乘鶴。至山下。一觀。但見樹下二人。互相爭論。予曰。噫。嘻。乃人之氣使然哉。予落閒雲。棄孤鶴。拂長袖。拈虬鬚。輕搖葵扇。緩動竹履。來至樹下。對二人曰。二君子如此紛爭。是妄用其氣也。我有一枝短曲。唱來君聽。說人生。莫不是浩然之氣。形而上。形

而下。化育流行。一舉動。且不可。悞用本氣。那縷氣。原本是養命之根。爲些箇口舌事。互相喧嚷。錯用了。這條氣。自虧自人。古今來。恃氣勢。亦復不少。我如今。爲君等。立述古今。楚項藉。他恃氣。共逐秦鹿。到烏江。他何不用氣。欺人。淮陰侯。他亦會爭強恃氣。未央宮。遭詭計。早作冤魂。古今來。有多少。恃氣之士。問古今。那一箇。能得善終。依我勸。且莫要。共爭口舌。且養你。浩然氣。何必

紛爭。我說了一片粗俗之語。而二人恭身下拜。頗爲敬服。一笑而散。予亦爲之一笑也。遂與童子。仍登高山。涉峻嶺。飲美酒。唱新歌。忽有柳仙子。請我來壇。續氣文一篇。予心志匆忙。不能構想。遂以此篇粗俗之語。以爲氣文。我歸。叩送。

瑞霞童子到

話我主。渾化真人。少刻卽到。還有新受爵善教真人。善誨真人。一同臨壇。小心候駕。

勅封靈顯真君渾化真人降

話予今日蒙上帝加封。因辦理南省功過册有功。加封。調在通明當差。

李白仙到

話渾化真人今日大喜。眾人叩賀。我有公事不能久坐送我。

善誨真人到

詩

數十光陰一瞬過。不堪回首舊山河。當時縱有諸尊訓。世道頹唐可奈何。

當年為吏又為儒。暮景桑榆總讀書。只是我門祖德好。能登善果步丹除。

話我乃前任蒲州城隍司。新受斯職。特來會諸生。

善教真人到

詩

自來寶錄

卷三

三十六

百歲本如梭。長時不可過。我今登正果。已悟密
波羅。

靈顯真君

話我三人當年皆一布衣。今日得此光華。非
祖宗之德而何。諸生皆叩。

諭我隨手奏成回文錦七律一章。汝等和之。

詩

風漾波烟宿靄殘。樹聲音繞小花欄。蟲鳴有韻

閒階冷。雁唳多情秋夜寒。紅葉落時涼雨過。碧

林疏處晚霞丹。空浮瑞色雲留室。叢桂香流珠

露團。和詩未載

諭我等歸收壇。

二十五日 養雲小室設壇

三十六部到

五雷使者到

土神李公到

宏教眞君到

詩

滿簾樹影送斜陽。數朶園花入室香。此地極幽
堪駐足。參差佳木兩三行。

米仙到

歌

來了仙。來了仙。諸生可識我米顛。前朝我本沈
醉了。說出狂言。諸生海涵。

戊刻

劉海蟾大仙到

詩

夜漏沈沈暗滴聲。畫橋更鼓耳邊鳴。祥雲一片
臨塵界。短燭高燒香霧清。

仙人乍來忽又歸。飄飄直上水晶幃。諸生努力
前途進。三帝慈悲降瑞輝。

土神報曰。劉仙歸。南海大士降矣。諸生向南叩迎。

南海大士降

話清夜設壇請訓最妙

關聖帝君降

話大士何來我等失候

南海大士

正坤儀交

夫坤儀不古。婦道日頽。全不以孝順爲先。絕不知德言工貌。日逐紛華。時爭口舌。挑唆兄弟不

和。致使親友不睦。其所由來。皆因不和妯娌。所積成也。兄弟本如手足。迨授室則成仇讐。或彼貧而此富。富者必驕貧。或彼富而此貧。貧者必忌富。遂令枕邊燈下。怨言於是起矣。只因三寸之舌。拆散骨肉而遠離。一張利口。竟使闔牆而構怨。至親至近。莫如兄弟。因而至疏至遠。不若路人。於此上使父母含悲。下使子弟不睦。天地鬼神。豈能容立哉。此等惡婦。天誅雷殛。死常拘

赴陰司割舌剗心。變牛變犬。待慘報臨頭。再欲回首。不可得矣。勸世人急早回頭。莫作陰山之罪犯。立時回首。好上大悲之渡船。若有士君子。將我文常念與內眷聽聞。庶幾家門大起。兄弟永和。豈非一大幸哉。

禁打溺妾胎文

予從飛鸞開化。最留心於婦人。見其種種惡孽。件件蛇心。非片言可得述也。更有一事。最爲天地所不能容。鬼神所不能恕。其故何哉。打溺妾胎是也。汝須想必因家門無嗣。宗祧難承。遂覓一小星。以爲接嗣香烟計也。却因何事。却存何心。作出蝎毒蛇行之事。欲墜其胎。竟爲鳩瘟狗走之行。欲損其子。試思一毛一羽。生靈猶不可害。况父天母地之一人乎。堂上公姑。必因嗣而飲痛。里中親族。必因嗣而含悲。作此事者。猶欲再得人身。再轉人類。不可得矣。雲陰月黑。千百

年不轉輪迴。露冷烟寒。億萬劫永受地獄。此等人其心毒。其刑愈慘。其意狠。其報愈彰。皇皇天理。烈烈陰威。無絲毫之或爽。無半點之或差。凡此等毒婦。可不畏懼哉。甚勿臨時方知追悔可耳。戒之。

禁婦人咒天地罵公姑文

婦人所最重者。莫過於言。一言一話。務須輾轉中懷。不容輕發。思維內念。不可妄談。故古人謂

駟不及舌也。然此莫非受一多言之咎耳。更有咒天咒地。罵公罵姑。呵風詈雨。穢日指虹。種種孽障。沖動上天。樣樣胡爲。驚動地府。卽有背怨尊長。陰罰尙且難逃。况咒罵地天。陰獄豈能稍緩。作出無端之惡。永受無閒之囚。項帶長枷。雖悲傷而誰顧。身纏鐵鎖。雖叫苦而誰聞。受盡十八地獄。狎赴陰山。百千劫而輪迴難轉。億萬年而罪債難清。婦人聞此。亦知筋酸骨痛。究難面

革心更。地獄從何免。人身從何得。此即謂自作孽。不可追也。悲夫。

大士回天叩送關帝

二十六日 海棠亭設壇

慈佑帝君降

詩

大千世界畫圖開。一片雲光落小齋。莫道重天相隔遠。香烟直入古瑤臺。

憤世嫉俗無時已。但見風沙連日起。萬民皆在水火中。誰能重把乾坤理。

聖賢仙佛共傷心。甘露瓶中雨澤深。欲救世人成正果。飛鸞開化至如今。

匆匆歲月本如流。滿袖金風又是秋。蓼岸垂紅蘆岸白。荷殘楓老一天愁。

一日臨壇一日悲。挽回風化待何時。近來世態翻新樣。擾擾忙忙總自欺。

一言世事淚珠傾。最恨愚頑負聖情。縱是勸人
說破口。奸雄狗盜總難平。

亂世伊誰識五倫。同流合濁枉爲人。幾時世道
重歸正。四海羣沾極樂春。

短歌未盡恨難消。怒髮衝冠夜寂寥。階畔蟲聲
知我意。相隨唧唧泣良宵。

壇前諸子要持修。莫負諸尊雨澤流。且待塵緣
已了了。我攜爾手上瀛洲。

話到知音恨轉深。世人何不早回心。諸尊訓誡
急行世。庶使蒼黎禍不侵。

香烟瑞靄飄飄舉。誰把蒼天恩惠體。但冀諸子
勉前途。世道如今而已矣。

話諸生自侍壇以來。兢兢業業。不敢或違。雖
其中葛籐亂起。而心堅疑不搖。可賞待我有
暇。各賜墨蹟。酌酒來。此酒在壇諸生分飲。一
酬素日侍壇辛苦。二與我結緣。三可延年益

壽共飲

詩

一朝清酒酬辛苦。但願世人能返古。四野羣麇
樂歲深。際會雲龍與風虎。此願既了。迥離塵仙
袂。飄飄歸紫府。回頭萬姓樂熙和。極樂逍遙得
淨土。

訓憶我當年。未脫化之時。與爾等無異也。莫
非一書生耳。日所懍懍。然而不忘者。三省九

思四字耳。故我以此四字。得超世界。亦以此
四字。勸化世人。昔時曾賜侍壇一聯。出入存
三省。行藏。在九思。又賜汝等三省九思四字。
亦欲爾等。日懍懍然於此四字耳。諸生且莫
忘此四字。我歸。

碧霞童子到

普濟真君降

詩

百世寶錄

卷三

四

妙裏乾坤著意尋。丹爐火候務均平。靜中自得真元竅。魚躍鸞飛上下行。

戒矜誇文

予雲遊天下。渺無定蹤。但覓幽靜之棲。或談些丹法。或論些人情。如是二十有餘載矣。雖見些談元談妙之人。究不知其根本。論德論道之士。初不知其淵源。逐其末而不揣其本。遂自命通儒。知其顯而不察其微。遂自稱淹貫。而且矜人

傲世。予智自雄。究其身果何以修。欲果何以淨。茫然不解。冒然不知矣。此輩之所以然者。莫不由矜誇之一念也。豈不思古聖賢尚無滿假之候。况爾一區區小儒。敢如是乎。人自青年入學。以及皓首窮經。天下事理。終有難窺之義蘊。必多未解之典謨。一言一語之中。各存妙理。斷簡殘編之內。亦有明經。未能通千古所有之書。何以爲千古不及之士。凡世之矜誇自尚者。且要

研幾析理。無毫髮之疑。無幾微之失。再為自命。通儒。自稱淹貫不晚也。不然。徒遺笑於世人耳。我歸再訓。

二十七日 水晶別墅設壇

宏教真君到

歌

夜寂寂。雲飄飄。一簇祥光下九霄。輕搖仙帚最逍遙。諸生務要把我學。一登仙籍樂陶陶。

話有紅雲到此。小心候駕。

崇甯四將軍到

諭諸生外院向北叩迎。帝駕降矣。

周將軍到

關聖帝君降

話吾數日未臨。昨晚有誰到。真慈佑帝君普濟真君。曰。留何訓詞。讀來我聽。跪讀畢。曰。諸生靜候。命周將軍請諸尊下界垂訓。

彌勒尊者降

達摩祖師降

偈

明明妙法。朗朗元機。迷人參透。定證菩提。

諭我世尊。聞至聖有金箴一卷。念與我聽。跪

讀畢。曰。待我轉奏世尊去也。

關聖帝君歸叩送。

土神報曰。有慈佑帝君。靈佑帝君。孚佑帝君。駕來

矣。設座。

靈佑帝君降

歌

一點丹心。日月昭。世人誰若我逍遙。一杯酒。一

洞簫。倚磯卧石。醉陶陶。看徧古今多少事。樓臺

轉眼即蓬蒿。

慈佑帝君降

歌

言

卷三

四三

清淨仙緣。灑落蓬山。我亦逍遙住幾年。至今朝
依然不改本來面。江湖浪迹任飄然。我雖儼居
帝位。仍好那把酒閒談。諸生且各便。無拘無束。
方與我有緣。我吟詩。爾等聯。尋章摘句樂無邊。
幾杯清酒飲中仙。待我沈醉後。蕭然上青天。我
起句。爾等聯。有才者。但須言。

孚佑帝君降

論既慈佑帝君佳興。但說不妨。詩不載

米仙到

話有此佳趣。不招我可乎。賜我一座。

孚佑帝君

諭米仙夜來此。汝等不可嬉笑。再有嬉笑者。
罰跪香三寸。

米仙

話我平生以來。作事規矩。不敢了草。諸生不
可笑我。我要走。

孚佑帝君

諭米仙性好游嬉。爾等要必恭敬。下次再來。不可羣相嬉笑。我歸收壇。

二十八日 春風室設壇

飛天魔王降

詩

雷聲震九天。到處起魔烟。雲光忽落此。香茗爲吾煎。

避瘟寶訓

我司一切災殃禍病。所極者皆是諂佞之人。所愛者莫非敦倫之士。人身與天地同體。要必全其所以爲人者。不可負此人身。欲全其身。莫先敦倫。能於五倫不虧。百邪皆不敢上前。我統領十萬瘟兵。三千癘鬼。到處有不怕我者乎。既怕我。必淨心行善。頭上現出一段紅光。瘟兵見爾遠離。癘鬼見爾遠退。我亦加格外慈悲。奏明上

帝轉禍爲福。轉凶爲吉。家庭清吉。門戶安康。消
無數之魔障。脫無數之災殃。我又何必怕哉。我
有避瘟咒一箇。諸生廣傳。

避瘟咒

天地靈。天地靈。一切災魔化灰塵。我一敬天地。
二敦五倫。三存忠厚。四不瞞心。邪魔遠退。吉星
遙臨。我奉飛天魔王律令。

論我此咒一念。瘟疫皆退。但有一件。要說如

此。而仍不敬天地。不敦五倫。不存忠厚。竟作
瞞心。七日之內。定見消亡。我歸送。

士神報曰。有孚佑帝君鸞輿至矣。諸子叩迎。

宏教真君到。

了凡真人到。

風月散人到。

劉海蟾大仙到。

孚佑帝君降。

詩

茶烟燈火話知音。一望蒼生淚滿襟。作出百端非禮事。身遭慘報怨沈沈。

貧富皆宜修省文

天地無私。生人不一。或有高官顯爵。亦有孤苦寒貧。非彼蒼故有分別也。實由人心賢奸不一。遂致人類顯晦攸分。此時正在新秋。天地另有。一番氣色。桂粟垂金。梧桐凝翠。千竿竹影。一架

蘿陰。聚二三知己。或詩或酒。行自然之樂。受清閒之福。誰不欲處此境哉。誰欲長夜悲號。所圖者。殘茶贖饌。寒宵叫苦。所卧者。破砌頽垣。日日焦勞。腹中無充盈之候。年年罪苦。身邊無遮體之衣。通衢小巷。卽叫地而呼天。善士富翁。誰恤憐而垂顧。醉歌相雜。共享安榮。枕席無憂。皆圖樂逸。絕無半點慈惠之心。回首思來。門外叫苦之人。非室中安樂之士乎。皆由驕奢淫佚。遂作

乞兒。卽不然。亦必其前因造孽。易富貴而爲貧。寒。夙世瞞心。易公侯而爲乞丐。願世之富貴者。見貧窮而切悚惶。勿作孽與伊一類。世之貧窮者。見富貴而知欣羨。要積德與彼相同。庶可無貧富之分。共安樂業。人心旣無賢奸之別。故人類亦無顯晦之分也。不盡美哉。世人其自思之。

米南宮仙到

歌

世人笑我顛。誰知米仙本來面。灑灑落落。自自然然。莫非是一團精氣相鼓盪。我豈竟顛狂。今宵亦垂救世章。

訓自米老成仙而後。並無救世篇章。似乎不妥。我今朝亦垂訓。人庄總以酒爲先。不可不飲酒。若不飲酒。不足爲佳士。我且把酒試論之。此是訓頭。酒能通天徹地。欲作驚天動地之事。非常飲酒不可。酒不常飲。事必不成。酒

不多飲。事必不理。故我勸人飲酒。我走。

土神報曰。適米仙所謂酒者。久也。欲諸生恒久之意。不可錯解。以為遊戲。

大賢仲子降

諭予奉命賜士農工商金箴。已列首卷。

大賢冉子降

勸恥文

嘗觀人雖下愚。目以上智。有不受乎。人雖上智。

目以下愚。有自甘乎。此即恥之心尚存也。然此羞惡之良。人雖皆有。而非立身立德之大恥也。大恥者。以己身為聖賢之身。不造乎聖賢而自愧。以己身為忠孝之身。不底乎忠孝而自慚。此所以為恥也。當今之世。人不古若。日逐名利之場。不識性天為何地。日流炎涼之態。不知涵養為何功。每日只思得榮得祿。不恥之事。於是作矣。或以諂諛為登進之階。或以卑躬為善世之

道日就於低。日流於下。將父母所遺之身。竟爲殘穢之身。立於天地。其自安乎。願世人莫忘恥。

孚佑帝君

諭二大賢歸。叩送。自初一日至初十日。天宮有事。帝君無暇臨壇垂訓。十一日再請。我歸。

八月初二日 養雲小室設壇

米南宮仙到

李太白大仙到

米南宮仙

話汝等邀我閒談。我有一言相問。汝等曾讀史乎。可能詩乎。能參禪乎。能談妙乎。稟願聆詩教曰。吾與青蓮公聯句。爾等錄之。

詩聯句

杯酒閒消今古愁。米菊香楓紫半天秋。李夕陽野岸無人渡。米煙外飄飄一葉舟。李二三知己話深宵。米窗外蟲聲最寂寥。李香靄茶煙燒短

燭米 養雲小室亦逍遙李 世事紛紛不可言米

言之不竟意難宣李 宣化愚民歸正果米 果結

緣收赴桃源李 桃源活水色澄鮮米 鮮豔花開

一洞天李 天涯不乏悲秋客米 客集三千玉闕

前李 前途無限莫猜疑米 疑時大路已都迷李

迷人不解其中味米 味道談元步玉墀李 長夜

淒涼歎道窮米 窮途恨不挽頽風李 風懷落落

同秋月米 月印千潭萬法空李 空空景象靜中

參米 參透元機妙理涵李 涵濡施徧真甘露米

露在清霄月在潭李

話夜已深矣我等歸送

初五日 海棠亭設壇

米南宮仙到

詩

東籬傲骨幾枝斜。別具丰姿不在花。獨有騷人

深愛爾。月明相對品新茶。

一拳怪石最新奇。翠色蒼苔片片垂。閒砌草痕
曾帶露。渾疑海上共雲移。

蘇東坡仙到

詩

蟲語淒涼泣月明。茶煙香篆最怡情。詩懷亦似
秋雲淨。蓮漏珠跳夜二更。

人靜更深話寂寥。胡天月影自清宵。雙眸一瞥
乾坤小。萬里人家入望遙。

米南宮仙

詩

煙雲瞥眼筆閒生。腕底精神薄太清。記得庖犧
曾畫一。借來助我勢縱橫。

初九日 養雲小室設壇

米仙到

歌

連朝說妙談元。都為攜爾早登船。靜中涵養別

有洞中天。咫尺之間。人不見。渾如蜀道難。我親來指點。欲朝真。修性且問我米顛。米顛發訓言。攜爾同上大悲船。海風直送孤帆穩。飄飄吹入古靈山。古靈山上萬朶蓮。靜中朝拜無生面。纔是本來極樂鄉。回首一望白茫茫。紅塵滾滾迷雙眼。舊宮殿。被草漫。郊原又造會芳園。大地干戈如棋局。成敗興衰一瞬間。波濤亂擁看難辨。世人能歷幾多年。早早悟。早早參。參參自己古

靈關。到那時纔不負我米仙願。不枉結段香火緣。

話丹法極密。妙不易言。汝等自悟可也。非朝夕之故。我歸送。

初十日 海棠亭設壇

米仙到

論昨朝我赴通明面帝。見公事告竣。玉帝加恩。賜我參贊化育元妙帝君。我今得此光輝。

特告汝等亦為之一喜。呂帝曾賜慧仙一詩。

賜慧仙詩

虛花世界莫追求。日月梭跳去不留。莫忘當年無限樂。臨波要爾早回頭。

諭明日務須齊集請駕我歸。

十一日 濃翠軒設壇

土神李公到

三十六部到

五雷使者到

宏教真君到

劉海蟾大仙到

桂宮天聾地啞到

斗口大魁到

楊聶二仙到

周將軍到

崇甯四將軍到

孚佑帝君降

文昌帝君降

關聖帝君降

諭十五日玉帝駕幸水晶別墅一切供具皆同舊日禮節依然祇不用鳴贊祝文餘皆依舊壇下人皆到獨有慧仙不到爾等各宜勉勵不可如伊彼乃有根基之人自陷輪迴不可救矣嗚呼噫嘻昨朝呂帝曾勸我有數言

寄彼聊盡我心

訓 慧仙曰汝乃太乙天尊之童來歷非小無如世上習俗一染失厥本來汝須想世上人卽如花上露水。中漚轉眼卽沒。一切虛花錦繡。迷亂蒼生。汝須細細揣度。酒色財氣皆是殺人之刀。豈可伸頸而迎刃哉。從今改過尙屬不晚。若不知回頭。汝却看世上那箇造孽者。不受陰獄。刀山劍樹。銅柱油鼎。愛河慾海。

割舌火池種種地獄。一說傷心。將此身損壞。萬劫難求。或爲胎生。與犬馬同居。或作卵生。與飛禽同處。或溼或化。與魚鱗蟬蛭同類。這等人皆由不知改過。汝若稍有人心。甚勿自墮地獄。汝須守心爲要。至於汝之從違。非我及料。然我不忍不言也。以後改過。再許汝見我。儻依然如故。汝亦不必再見我矣。自己清夜枕上。詳細味之。

諭諸尊歸收壇。

十二日 淨慮草堂設壇

元妙帝君降

「訓」予本性好遊戲。每於設壇之處。必不憚煩言。多方游泳。皆是點化之意。予豈然哉。諸生各宜具大光明眼。細看看性之所以然。甚勿優游自逸。轉過輪迴。萬劫難再遇此奇緣。此我之深爲憂也。要緊一言。莫戀當時世界。須

修身後因緣。切記切記。甚勿謂報應輪迴。虛渺難見也。我每與汝等講因果。論性天。實欲汝等脫輪迴之苦也。竟不爲意。予之苦心亦昧昧矣。惜哉。輪迴之說。李喬二子。以爲何如。稟不錯。曰。旣說不錯。莫要錯過。急尋法門。好得解脫。我米老爲道費盡千般力。可歎迷人不一知。噫嘻。得有如何聰明才力。方能了悟真詮。豈易易哉。米老今宵。在無憂洞天。坐觀

秋月。只見世上勞勞碌碌。直無一人知性天大道。或有一二知者。非是吞金鍊石。卽講女鼎採戰。種種邪術。最易害人。朗朗元機。反不知我。這等情形。惟有仰天一歎而已。予前日受爵後。訪舊時同聚諸仙。談及大道昧昧。座中有一人大呼曰。我能以此口。度化萬人心。若不能度。再不與諸公相見。予聽之下。不覺毛髮竦竦。曰。子休矣。一言出口。萬劫難磨。憑

予一小小金仙。敢說如此大言乎。曾不聞昔
日觀世音菩薩立願否。彼不以予言為是。慨
然下界。各處度化。我輩用心。未嘗不苦。惜乎
世人之迷也。悠悠蒼天。奈之何哉。

話我歸收壇。

十三日 古草山莊設壇。

王神到

三十六部到

五雷使者到

宏教真君到

劉海蟾大仙到

正陽帝君降

孚佑帝君降

元妙帝君降

正陽帝君

詩

指迷寶錄

卷三

十一

窗外雨瀟瀟。憂民恨未消。我今臨世界。痛淚自雙飄。

孚佑帝君

詩

費盡千般力。人心不一回。試看沈睡客。安得不心灰。

元妙帝君

詩

連番指點衆迷人。最恨庸夫不細尋。大道眼前休外找。靈山蓮座梵中音。

正陽帝君

話我數日未訓爾等。大眾有何進益。稟皆務本業不敢稍荒

元妙帝君

話今晚來此稍坐。我有片言相告。
訓嘗思人非立德。不能立身。非修身。不能修

性。我會爾等。已數次矣。見爾等皆有造之才。我心欲汝等皆能玉成。故我不憚煩瑣。試論夫修性本原。人自有生而後。由襁褓以至成人。其所以立學業。立身心。皆在一性耳。人非此不能立。亦非此不能生。譬如有數椽草屋。無人居。又有何用。人身無有性。在人身又何用哉。願諸生抱明察之才。開光明之識。細看汝之本來面目。不可自逞己見。以至放過有

用。春秋有爲歲月。此段香火緣。人生難再遇。若錯過良時。再欲回首。嗚呼。百尺江天。無渡舟矣。迨彼時。雖連聲叫苦。籲地呼天。無一人援手救汝。汝之自溺。非人能救。亦非神能指點。在壇諸生。皆要細心領會。萬不可自作聰明。致使舍正路。墜迷途。三帝君亦無如何矣。予言金石。切莫負我。我前數月臨壇。必欲戲笑謳吟。亦一時指點之意。故我今朝臨壇。特

大書曰。元妙帝君。示汝等鄭重我之良意耳。
歸。諸生叩送。

天賢仲子降

訓世界茫茫。紅塵僕僕。雖有指引之人。奈何
當時錯過。我教不興。幾千年矣。降而至今日。
知性天者無人。斯世遂茫然不解。自以爲能
作時藝。便爲儒教。豈知能作時藝。而不知性
天。亦儒教中之罪人也。安得爲儒哉。最恨世

人。舍正路而弗由。入迷途而不返。或才誇錦
繡。語以本原而莫知。或筆落珠璣。詰以生初
而莫曉。嗚呼。逐其末矣。安望其得入道哉。我
等久不欲與世相接。今因不獲已而來。更加
諸生各各誠敬。故不憚言詞。爲汝等箴。

性理寶箴

大道明明。自己追尋。無聲無臭。無影無形。又能
變化。又可流行。忽焉在上。恍又不停。忽焉在下。

翻海攪龍。這是心法。奧妙無窮。儻不知悟。自悞平生。迷途曲路。緊緊預防。莫索隱怪。休攻異端。無多方寸。妙理俱涵。儻不知悟。難入聖賢。數言切記。各認性天。

諭玉帝有旨。將諸尊所垂之訓。或多或寡。勒齊。卽將金箴冠首。後標籤附日記錄。並將所有訓章。或詩或歌等。早早行世。了此段緣。不必多需時日。卽諸尊再爲續訓。亦莫能外金

箴之意也。況此處旣不克大興教化。何若早早成書。以了此願。庶使迷人見書。或有一二悔悟者。此亦未可逆料也。諸生懍遵。我去。送

正陽帝君

諭依老仙看來。早了全。亦屬甚好。但汝等卽不能大興宣講。而家庭之內。必可自主。有立願者。按三八日爲期。在家庭。或焚香。或不焚香。或立講。或不立講。每晚講返性圖惡報

文一篇。警化家人。亦是一段大功德。諸生各宜追想。若欲立願者。具名升表。不欲者無妨。稟皆願曰。好。十五日玉帝駕前焚化。此日允諾。異日不可變更。當下明言。奏玉帝後。立言不朽矣。諸生自慎。我與呂帝去矣。叩送。

八月十五日 水晶別墅設壇

殷趙辛 天君到

馬王周 田天君到

桓侯大帝降

崇甯諸將軍到

關聖帝君降

桂宮諸金仙到

斗口大魁到

文昌帝君降

三十六部到

五雷使者到

柳真君到

孚佑帝君降

李青蓮仙到

杜工部仙到

坡仙到

王右軍仙到

元妙帝君降

正陽帝君降

藍祖師降

韓祖師降

曹祖師降

張祖師降

李祖師降

何祖元君降

南極大帝降

諸位星君到

指迷寶錄

卷三

三

指迷寶錄

卷三

三

北斗大帝降

各省都城隍到

東嶽大帝降

麻祖元君到

瑤池眾金仙到

瑤池金母降

南海大士降

周將軍傳關帝旨。爾等一切禮節可從儉。

元妙帝君

諭予奉玉帝旨。點名。點名畢曰、一切禮節。並

執事。預先立定步位。扶鸞侍案皆跼齊。不必

另有傳宣。執事各執其事。

慈佑帝君降

諭有表預在案前焚化。我代奏金闕。

金闕四相到

金闕眾金仙到

金闕節鉞使到

中皇佛降

諭焚香行禮。帝輿出通明矣。

玄穹高上帝玉皇大天尊駕幸叩拜畢有詔命代宣送

詔曰朕自駕幸古草山莊喜諸小子各皆兢兢業業無怠無荒人心頗為凝聚此時節至中秋月華似水朕特幸水晶別墅小子等鵠立兩邊局度雍容可喜今宵諸小子扶鸞之外能詠者敕獻中秋

節應制詩一章能詠者依次領卷限一刻功夫交卷命關相代奏朕因中秋令節游興以暢我志朕曠觀天下好善者少作惡者多世風至今日降而愈下矣書已有日告成爾等萬不可放其良心每逢月之朔望焚香告天自省已過朕一觀世道不覺傷心本期斯世蒼生皆化為良善無如習俗已深不可救矣幸垂是書或可挽回此壇乃左相關所保立尙不負朕命今乃中秋緣與月滿書早刊

刻行世以化迷蒙同登壽域是爾等之功也毋廢朕命特詔

關聖帝君

諭爾等獻詩恭繕跪焚諸尊赴通明謝恩移時我復降

移時

關聖帝君降

諭今日與爾等誌喜適而帝聖顏頗和有詔

爾等跪接

詔曰希聖堂壇主左丞相關自六月十一日具表稱南瞻部洲大清國直隸天津府天津縣小子等具表稱世道波靡人心陷溺立願叩請諸尊憑鸞開化臣因小子等一念至誠即於本日申刻親臨察小子等人尚純謹心亦良善臣即知會桂宮絕塵二臣具奏於玉帝大天尊可否出自聖裁等因朕覽奏大悅敕三臣明示小子等小心侍壇欽此

欽遵朕隨敕滿天真宰各命所屬輪流垂訓十四日午刻又據左丞相關面奏跪祈朕躬親臨朕因率諸臣駕幸一遭厥後朕屢降臨欽賜書希聖堂三字今已數月訓誡不下百餘篇足慰朕懷然神道設教貴精不貴多今宵月滿小子等緣與俱滿敕左相關詔示小子等早爲刊刻頒賜天下庶風俗可移人心可挽慎之懍之毋棄朕命此詔
關聖帝君

訓諸生爾等數月侍我各賜酒一盞以酬辛苦此酒可立飲再有數言汝等切記帝君恩刻骨深須臾莫忘在一心有過卽改有善卽行切記。

諭我想自六月以至如今於萬千難處之地而能同心合志一意堅凝贊成此舉我作數言誌喜數月功成寶錄明明廣傳人世各返正純壇下叩請仍垂寶訓日彼時我出目孝

弟忠信禮義廉恥。並有無數詩文訓誥。豈不
幸乎。汝等曾知救劫寶訓。與救劫金鏡。亦不
過半月成功。金鏡不過戒淫勸孝。寶訓不過
處世一則。汝等指迷錄如是之多。猶不足乎。
况天下事盈虛消長。有一定之機。汝等不必
多請。果能於指迷錄中身體力行。即造聖賢
之域。不難。非汝等之大幸乎。且聖賢教人有
無言之化。深者見深。淺者見淺。諸生皆讀書

子。可知聖賢纂修剛訂。留傳萬世。大旨不外
使人改過遷善。汝等細參寶訓。便知了。但恐
汝等不悟。但恐天下人不悟耳。返性圖救生
船。皆是此意。而指迷錄爲尤顯。且告爾等。上
帝大恩。不可辜負。爾等仍同前之義氣。不可
疏遠。壇下又叩請。仍垂寶訓。皆跪泣不起。曰
汝等既如此誠意叩求。帝君開恩。再續數壇。

賜慧卿詩

初志莫改更。二三聚知己。早早各有成。便是奇男子。

論帝賜汝之詩。汝須切記。尤不可忘卻一時知己。汝與慧緣前生有宿緣。不可負我。

論天色已晚。不便久留。雖續數壇。亦不能多延時日。汝等暫且校對訓章要緊。無論何日。校對齊楚。即可請駕。帝垂序一篇。如刊刻之日。即將我所垂之序以冠首。我歸叩送。

二十一日 養雲小室設壇

華祖師降

詩

小院日初斜。爐煙裊畫叉。參差綠樹影。點點上窗紗。

諭孚佑帝君有旨。訓章急速校對。二十九日關帝臨壇閱訓。諸生務於二十八日校對齊楚。莫誤。

二十三日

海棠亭設壇

元妙帝君降

詞

秋風冷了。回憶皇古山莊。只賸得夕陽芳草。小院寂無人。客到驚棲鳥。落葉滿階童未掃。一味淒涼。徒使人思杳杳。

話適過皇古山莊。瞻望故址。不覺淒涼滿目。又值深秋。徒令我臨風嗟歎已耳。

詞

中秋後。愁得人消瘦。暢吟懷。徒惹雙眉皺。飲美酒。又恐反生愁。瑟瑟蘆花。蕭蕭楊柳。月寫遙天。玉一鉤。眼前幻景任沈浮。待幾時洗盡塵三斗。話中秋後數日。諸子心頗不懈。可喜。今日公忙再降。

二十九日

水晶別墅設壇

土神李公到

音迷寶錄

卷三

七十五

三十六部到

宏教真君到

孚佑帝君降

桂宮楊二仙到

斗口大魁到

文昌帝君降

馬天君到

崇甯眾將軍到

關聖帝君降

諭今宵吾帝駕臨閱訓。諸生此段功德將滿。實三生有幸也。板資爾等籌畫。書早出一日。帝心早安一日也。書成之後。諸生各安本業。尤不可不得面命。遂放蕩無忌。各宜潛心靜氣。世事總得了。不可使物引情牽。沉壇下人年少最多。稍未有把持。卽隨波滾下。切要自慎。

訓慧空 汝根基不淺。切不可自甘暴棄。必須勤進修途。不可空拋日月。

訓慧明 汝年居長。尤不可隨流合污。

訓慧蓮 汝自從侍壇後。尙無甚大謬。而幾微過處不免。妄念常起。最不可。日後切改。

訓慧芸 汝近來頗知悟道。但心中多執滯不開。務須大開慧心。以進前途。

訓慧純 汝性情暴躁。切宜去。莫忘當日文帝

訓詞二字孝弟。

訓慧靈 關帝常喜汝乃誠摯之士。頗近老成。

汝此時家道。未免不能遂心。務要忍耐。當學樂道安貧之顏子。果能為善孳孳。神佛必格外垂護。逢凶化吉。處處有吉神相護。

訓慧芳 汝本性柔懦。卻不是大過。但不可怠惰不振。尤宜省悟因果之說。不可只圖目前。

訓慧琴 汝性情雖躁。屢經帝訓誡。已改其半。

自是有志之士也。務須躁氣盡平，不容一毫不深沈，要緊。

訓 慧仙 汝自入壇而後，較從前已改許多。總屬可教。日後鴉烟務去，要緊。以後舉步務要想想，有關帝派神各處糾查，儻一步走錯，致干重譴，如是行事則得矣。

訓 陳生 汝尙知檢點，日後只要不蹈前過，時時警察，不敢一步錯行則得矣。

諭我此番訓誡，言雖不煩，卻是金石。諸生不但將訓己者記心，卽訓伊者亦宜加省察焉。有則改之，無則加勉，方有進益。立壇請訓，卻是一段奇緣。往往有設壇之時，不勝警惕，而徹壇之後，不改前非，爾等切不可如此。書成之後，各案頭置一卷，時常披誦，深加警惕。如我在目前，方有進步處。帝君恨不能汝等各各玉成，方慰我心。諸生切莫負我，我亦不負

汝等十五日後諸生心尙未懈可賞各賜茶
一盞壇前立飲。

李青蓮大仙到

詩

數月辛勤書告成。廣傳世界最光明。待當了竟
塵緣後得見真吾上大瀛。

示予奉關帝旨閱訓

正陽帝君降

詞

夜靜更長。爐烟蕩漾。飄飄直入九重天。案上寶
訓煌煌。窗前樹陰暗暗。閒花野草一園鮮。最可
喜這水晶小院。

話今夜極靜甚好。李仙校對幾何。稟一册半

曰諸生只要身體力行。訓固不多。足爲終身
用也。煞尾論性數篇。尤宜體會。明明妙法。皆
在其中。善知識者。一看自然了悟。汝等務須

細心揣摩。方妙。

詩

明明大路眼前看。無影無形妙理涵。打破三關參妙法。平平坦坦透長安。

報應真說

予一日在白雲洞天。與諸弟子談元說法。評論今古。談及人之生死報應之說。諸弟子無不敬服。四座熙和。如坐春風。然忽有一人在洞外。仰

面長笑不已。予頗詫異。遂出門與洞外人相見。見伊丰姿綽約。衣冠華美。似儒者風。予長揖。伊亦答拜。遂延至洞中。童兒侍茶。茶畢。予卽叩其姓氏里居。其人答曰。姓予名智。字自雄。世居驕盈小巷。聞先生在此說法。不知說何道理。講何性天。愚子請教。予曰。我乃山野村夫。卻曉得甚麼道理。甚麼性天。無非在此洞中。無事與諸小子閒談。論些善惡報應耳。予智笑曰。先生何迂。

也。我讀孔孟之書，粗知義理。我想人秉陰陽之氣而生，聚則成形。人死後一段靈氣已竟散了，縱有報應，於何見哉？況古來人歷歷可數，若夷齊何餓死於西山，盜跖何壽終於東里，孔聖人道冠古今，何其伯魚早死，顏夫子仁壓諸子，何其壽命不終，予甚不解。望先生指示一二可乎？言罷，冷然一笑。子曰：子坐，我有數言相告。嘗聞孔門傳授心法，首特書曰：天命之謂性，性者天

之命也。子既言人秉陰陽之氣而生，氣從何來，又從何散哉？子既言無報應之說，易云：積善之家，必有餘慶；積不善之家，必有餘殃。書云：作善降之百祥，作不善降之百殃。千古聖人之語，豈虛渺無稽哉？子既言讀孔孟之書，粗知義理，豈不聞是說乎？夷齊西山餓死，千古猶有餘香；盜跖東里壽終，萬載不無遺臭。孔子伯魚早死，顏回壽命不終，此亦造物之有前定也。所以報應

之說愈顯然矣。使其悟道參真。遂可長生不死。亦無夭折早亡。天地間尙有輪迴哉。予非好辨。明公問及。不得不剖析言之。予智曰。誠如先生之言。天地閒定有報應之說也。曾不聞渾沌未開。卽有因果否。予應曰有。予智曰。願聞。曰。坐定聽我細講。天地未開之初。渾元一氣。此時早已有因。待盤古出而始果。有因而後果。有果必有因。此天地循環自然之理也。譬如人在世上。作

些惡孽。或宰殺牛犬。此卽是有牛犬之因。來生必果。亦轉牛犬。冤怨相償。其或作些善舉。濟救貧人。此卽有善因。來生必得善果。諸如此類。可推及之。故世上往往有作惡者。肥馬輕裘。作善者。簞瓢陋巷。世人不曉因果。遂怨蒼天無目。不護善人。反助惡黨。豈知作惡而富者。乃受前世之因。作善而貧者。乃受今生之果。雖造物有權。不能移易也。莫看眼前之樂。須知身後之因。若

白起秦檜等。轉牛轉豕。不懍懍在耳目哉。必謂夷齊何以餓死。盜跖何以壽終。伯魚何以早逝。顏回何以夭亡。執此說者。不亦管窺蠡測哉。明公自察。予智艷然不悅。曰。我乃孔孟之徒。不識汝這山林之僻語。拂袖而去。予遂歎曰。此等之人。卽當閉口塞舌。仍不免自作聰明。誠不愧姓予名智字自雄也。悲夫。

九月初一日 桐花館設壇

土神李公到

宏教眞君到

孚佑帝君降

元妙帝君降

關聖帝君降

正陽帝君降

慈佑帝君降

序文一篇列卷首

序文一篇列卷首

詩

自來寶錄

卷三

八三

千載英雄白骨高。南原一望掩蓬蒿。勸君早把塵緣脫。爭利爭名枉自勞。

禁風俗奢華文

予雲遊天下。幾徧寰區。見斯世人心不古。世道久頹。千古來聖賢之訓。並無一人能遵矣。世道壞者。莫壞於紛華二字。予觀此地。紛華尤甚。遂至蒼天不雨。其或洪水漲發。瘟疫蟲蝗。一時而起。非不因紛華過度。所使然也。本以貧富不一。

富者多。而貧者亦復不少。若將所盈者以濟貧人。庶免暴殄天物。以致天災。況古來紛華之人。又有誰能百年永保哉。石崇巨富。何以樓閣成灰。且看南原一片荒邱草。埋盡古今富貴人。就是有肥馬輕裘。華堂麗閣。轉眼已屬他人。荒草萋萋。卽是當年庭院。樓臺隱隱。豈非當日郊原。蒼天如圓蓋。陸地棋一盤。興衰一轉瞬。一片土漫漫。就是能永久長保富貴。豈無一死哉。森羅

寶殿。最不徇情。那時猶有一文錢平。願世人將
爭利爭名之念。化爲仁爲善之心。已衣雖暖。常
念無衣之寒。已居雖安。常念無居之苦。化奢華
爲簡樸。化靡麗爲淡泊。自然天意轉回。重得太
平之世。豐收之年。萬民安樂。四海休和。豈不懿
歟。吾言淺淡。雖無文藻。卻是金石。後之覽者。甚
勿以淺近忽之。是我厚望焉。

元妙帝君

詩

古往今來轉瞬間。回頭不忍看塵寰。昔時樓閣
今何在。只剩清江與碧山。

貧富皆宜教子弟文

嘗觀歷代興衰成敗。循環不已。莫不是仁者存。
不仁者滅。雖億萬年。不過如是耳。歷代相傳。猶
復如是。況人之功名顯達乎。人生卽是位高上
相。富敵國家。驕奢淫佚。得一字者。無數家產掃。

卻矣。夫世人有不欲富者乎。有不欲長富者乎。而終不能富。終不能長富者何哉。往往有陋巷簞瓢。終身困苦。輕裘肥馬。轉眼荒涼。說者謂此爲造物所忌者也。而抑知不然。其所以不能富。與不能長富者。亦未得能富長富之妙訣耳。予有妙訣。可以使貧者能富。富者能長富。其果何哉。惟教子弟而已。別無他術。予非妄言也。天地閒清貧之子。布衣成家。豈非因椿萱之教誨。縉

紳之人。錙銖是惜。豈非因父母之立成。貧何以富。非待有創業之子乎。富何以長富。非待有守成之嗣乎。貧者不教子弟。而使其放蕩性成。尙何望布衣崛起。富者不教子弟。而使其驕奢習熟。尙何患家產不傾。願世人見我訓者。貧者不患不能富。必以教子弟爲先。富者不患不能長富。要以教子弟爲務。貧者自然不貧。富者自然長富矣。否則深恐無他術矣。故吾首以歷代相

傳。仁者存。不仁者滅。為喻也。後之曠者。其三思之。

孚佑帝君

詩

萬載常留孝子名。昭然閭里共傳聲。但須不聽妻私語。一片丹心日月明。

禁聽婦言薄父母文

予嘗觀人子之於親也。瞻依膝下。孺慕克誠。即

一時不得遠隔。即一息不能少離。純然天性。渾然天理。此在人子之何時也。莫非未娶之先耳。迨父母與汝成全大事。原因接續祖上之香烟。又豈知今日之子。大非昨日之子矣。只因枕邊私語。竟使天理全無。花底鶯聲。竟致天心全喪。與妻日近。與親日遠。或私財以致父母含悲。或背逆以致椿萱抱痛。數載劬勞。竟至如斯。父母能不有怨恨哉。論理則父母恩重。此心何可自

妄論報則天地無私。此罪豈能稍緩。或當時報在己身。或後日報在己子。汝如何不孝親。汝之子亦如何不孝汝。循環天理。不容稍疏也。而世之無知之輩。不顧天理。亦當以報應爲警惕。不畏報應。亦當以天理爲省察。豈可不畏報應。而兼不知天理哉。鴉有返哺之心。羊有跪乳之意。豈堂堂之人。與天地同體者。反不如禽獸哉。世之強爲說詞者。每日妻言雖不欲聽。而有不能自持者。我不知其男兒之志。丈夫之氣。果安在哉。

李太白仙到

詩

最是浮名絆此身。聰明每欲邁羣倫。須知塵世真如夢。野草閒花古墓春。
戒聰明貽誤文
嘗見斯世之人。少有微名。便覺揚揚得意。不求

實義。總然昧昧於心。或以文章傾世。或以詩酒傲公侯。自命不凡。看斯世皆愚魯之人。自炫其才。視天下皆拘墟之輩。豈不知予智自雄。早爲聰明所誤也。果何以見哉。學問之程途無盡。非虛心下氣。怎得貫通。古今之義理無窮。非釋躁平矜。難臻純粹。所以不矜不伐者。皆稱千古聖賢也。况世人誰能如千古聖賢。而其抱負自覺。逾於千古聖賢。遂舉止高揚。語言驕傲。以爲

我爲天地閒第一奇人。甚未有如我之才。如我之能者矣。豈知一言一語。各藏性命之原。斷簡殘篇。亦有身心之要。卻有如何聰明才力。將天下書讀盡。天下理知全哉。凡世之以才勝人者。自覺人皆敬我。服我不如我。又豈知人皆笑我。忌我。訕罵我哉。願世之才高意廣者。其三思我。訓是耶。否耶。世之如此等者。必不服因果之說。然我何妨表出報應。不爲若輩說。可爲有心

人道也。且看世如此類者。亦有生前之顯報。亦有死後之夙冤。如有啞子者。卽其父才華自命之由。或有其子啞者。乃父却是愚魯之人。卽是本身前因做世之報。況陰司割舌之獄。未嘗不爲若輩設也。世人稍有知識者。諒不以予言爲謬也。

杜工部仙到

詩

數載光陰一瞬過。青年忽又髮婆娑。良時錯過真難再。鐵硯寒氈且苦磨。

少壯不可恃文

甚哉人生之如夢也。日月穿梭。光陰似箭。今日束髮書生。轉眼華鬚老叟。乾坤暗轉。人生不過百年。身世榮華。享受無非數載。有知識者。務須於極忙極熱之時。作出極閒極冷之事來。其果何事。夫亦日養心而已。人生斯世。不可山林

遠遜。勁節自高。尤不可利欲薰心。於情不已。處世自然有些雜亂之務。不能盡了。切不可不。雖身爲些名利之事。心卻不在名利之中。所以達人安命也。夫養心之學。說者謂人在少年。恐不能自守。人當衰老。或可以自持。吁謬矣。古來修短隨化。彭殤不齊。誰可保必得蒼蒼白髮哉。況有爲皆在青年。脚根未定。卽垂老亦恐無成。願後之學者。見我訓。再三致意。務要早早知修。

莫負有爲歲月。有用春秋可矣。

了凡真人到

詩

我歎世人悟不早。碌碌忙忙莫分曉。紅塵且要看淡然。世事可了則便了。

宜早了世事文

予有立命之說。已嘖嘖在人口矣。我看人生之得失聚散。莫不似春花競豔。朝露圓珠。雖有百

般媚媚百樣光明亦莫非旋得旋失耳歎世之貪婪之輩雖室廩皆盈困倉豐滿而仍無知足之時猶且勞勞碌碌與子孫作馬作牛雖有些餘資怎得教爲子孫一樂哉其或迷於酒色敗家產於片時其或溺於賭場輸家資於片刻雖汝費盡千般筋力亦莫非貽留子孫作孽而已若此之輩死於泉下回首家鄉見子孫各各無一念父母之恩留下家產皆爲己之福命遂得

饒裕豐盈汝在陽世爲子孫置田置產只落得子孫以爲己之福命而不念祖父貽留而已豈不冤抑哉願世人早早回頭謝卻貪名貪利之心早作成聖成賢之計何必爲子孫枉用心力耶況貪婪過度只爲兒孫而陰罰難寬誰憐自己甚至於陰司受苦而子孫尙在陽世享榮陰司之扒銅山飲銅汁爲此輩之結局也可不悼哉願爾等早了世事免得如此

姑願爾等早下對連於於取此
 信之月離山燈離世欲此輩之離世有不
 已持至欲劍河受苦而于將尚出則世草榮劍
 離世貪婪離世只欲良河而劍橋離世離自
 亦早於此聖教觀之信何後無于齊封似心
 不發時若願世人早回更離俗食各食味之
 手將心誠言之誠命而不念師父誠留而自
 指迷寶錄三集終

